

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Erredakzio kontseilua:** Miren Anduaga, Gotzon Iparra-girre, Patxi Kortabarría, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 22 zenbakia. 1998ko irailaren 25a.

Eskolako haurren jakinduria saritua

Karmele Alzueta saria, giza gorputzari buruzko saiakerak

Zer gertatzen zaio ogi zati bati ahora eramaten dugunean? Aurreko ikasturtean herriko ikastetxean 6. mailan aritu ziren neska-mutikoeek badakite. Eta gainera hori azaltzeko eta ulertarazteko gai direla ere erakutsi dute. Horrela adierazi du Eusko Jaurlaritzako Hezkuntza Sailak. Joan den uztailaren 2an, Karmele Alzueta sarian, ohorezko aipamena izan zuten "Saiakera konstruktibista bat Lehen Hezkuntzan: Giza Gorputza" lanaren kalitateari esker.

Eusko Jaurlaritzako Hezkuntza Sailak urtero ematen du "Karmele Alzueta" saria. Horren bitartez, unibertsitatez kanpoko ikastetxeetako proiektu berriak eta irakasteko edo antolatze praktikan berrikuntzak sartzeko jarduerak saritzen ditu. Hori dela eta, eskolak 6. mailako haurren lana aurkeztu zuen lehiaketara. Giza gorputzaren funtzionamenduaren inguruko lana da antzuolarrek egin dutena. Haurrek hautatu zuten gaia eta eurek dakitenaren arabera landu zuten. Ikastetxeko Pantxike Arinek, zuzendari ohiak, azaldu digunez, "lan hau garatzeko haurrek zekitenarekin hasi ginen, esaterako ogi pusketak hartu eta zer gertatzen zaien azaldu zuten banan-banan, ogia ahora sartzten duten unetik. Azalpen barik gelditzen direnean baino ez diegu laguntzen edo azalpen berriak ematen. Antzuolako ikastetxean indarrean dagoen konstruktibismo metodologia hau hainbat eskolatan lantzen ari da. Eraikitzen joaten dira eurek dakiten eta ulertzen dutenaren arabera eta gehiago ezin dutenean, azalpen berriak ematen dizkiegu. Modu na-

tural batean euren arrazoiengatik bitartez ikas dezaten lortzen dugu".

Lana argitaratzea

Giza gorputzari buruzko saiakera konstruktibista hau argitaratu nahi du Eusko Jaurlaritzak. Horretarako, irakasleek lana berregituratu eta 50 orritan bildu beharko dute, ondoren Hezkuntza Sailera eramateko. Antzuolarren lanarekin batera, Donostiako Amara Berri eskolako, Tolosaldea eskolako eta Portugaleteko eskolako lanak argitaratuko dira. Lau eskola horien artean, Lehen Hezkuntza eta Lanbide Heziketako ikastetxeak daude eta horien artean antzuolarrena izan zen euskaraz egin zen bakarra.



Iazko 5. mailako haurrek Kosmosa gaia landu zuten. Argazkian, gurasoei gaia azaltzen.

■ ■ ■
Giza gorputzaren funtzionamenduaren inguruko lana egin zuten
■ ■ ■

Presoen aldeko plataforma

Euskal Presoak Euskal Herrira Antzuola-ko Plataformak bilerak egiteari ekin dio. Hamabostero, martitzenetan, elkartzten den talde honek arratsaldeko 19:00etan egiten ditu bilerak. Orain arte eliza ondoko aretoan biltzen ziren arren, Udaletxean elkartzeko eskaria egin dute plataformako kideek. Gauzak horrela, hurrengo bilera irailaren 29an, martitzena, izango da, arratsaldeko 19:00etan, Udaletxeko Pleno Aretoan.

Arrolaren irteera

Anetora joango dira Arrolakoak urriaren 10etik 12ra. Izen ematea urriaren 5ean eta 6an 7etatik 8etara Arrolaren lokalean egin beharko da.

Galdutako betaurrekoak

Joan zen abuztuan graduatutako betaurrekoak aurkitu zituzten Ibarondo auzoan. Dirudienez, betaurrekoek emakume batenak izateko itxura guztia dute eta zorro eta guzti daude. Argibide gehiago nahi izanez gero, Udaletxera joan daiteke eta han galdetu, bertan jaso dituzte eta.

Irinmodo lehiaketa

Aurten Irinmodo urtekariak hamar urte bete ditu eta hori ospatzeko, sari berezia banatu nahi izan zen lehiaketa baten bidez. Irabazlea Jesus Goñi izan da eta berak eraman du hamar Irinmodoan bilduma koadernaturik. Zorionak, bada, Jesusi!

Zuzenketa

Aurreko Kontuolan gaizki jarri genuen Loietatik Arrandarirainoko mendibidea egiteko Arrandariko bizilagun bakoitzak ipini zuen diru kopurua. 500.000 PTA izan zirela esan genizuen, baina bakoitzak 1.500.000 PTA ordaindu ditu.

IV. Argazki lehiaketa

Laugarren urtez Antzuolako Udalak antolatzen duen argazki lehiaketa abian da. Opor ostean antolatu ohi den lehiaketa honetan parte hartzeko aukera ezberdinak daude. Bakoitzak gehienez hiru argazki aurkez ditzake lehiaketara.


“Oporretako IV. argazki lehiaketak” bi maila bereizten ditu. Lehenengoan 25 urte arteko lehiakideak arituko dira eta bigarrenean, berriz, 25 urtetik gorakoak. Argazkiak koloretan zein zuri-beltzean izan daitezke, eta guztiak 30x40 zentimetroko kartulina beige batean aurkeztu beharko dira. Argazki bakoitzak izen bat eraman beharko du eta berarekin batera izen bereko sobre bat entregatu beharko da egilearen datuekin.

Bi mailetakoa irabazleek 25.000na PTA jasoiko dituzte eta bigarrenek, berriz, 15.000na PTA. Antolatzaileek adierazi digutenez, “urtetik urtera partehartzaile gehiago dago eta argazki kopurua geroz eta handiagoa da; iaz, esaterako, 44 argazki jaso genituen. Horien artean, gehienak koloretan ziren. Gaiei dagokienez, askok urruneko herrialdeetan ateratako argazkiak dira, baina badira hemengo erretratuak aurkezten dituztenak ere. Orain dela bi urte Donostiako irudi batekin eskuratu zuten lehenengo saria”.

Lanak aurkezteko epea urriaren 13an amaituko da eta ondoren, lehiaketan parte hartutako argazki guztiekin erakusketa bat egingo da Udaletxeko aretoan.

KANPOKO FITXAKETAK

Joan zen zapatuan hasi zuen 98-99ko denboraldia errejonaleko bigarren mailako futbol taldeak. Andoni Azkargortaren mutilek Elgoibarren aurka jokatu zuten eta bana egin zuten partidu istilutsu batean. Ibon eta Eneko Segurola anaiei puntuak eman behar izan zizkieten buruan. Elgoibartarren artean ere jokalarietako batek min hartu zuen, buruan kolpe handia hartu ondoren.



Unai Irazola.



Urko Irizar



Raul Fortuna.



Andoni Elgoro.



Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak
Altzari rustikoetan
espezializatuak

LARREA

TABERNA

Kalebarren 17
ANTZUOLA

GURE ARTIAN


Zer diozu
ETAk joan
den astean
indarrean
jarritako
mugarik
gabeko
su-etenaz?



**Fernando
Iturbe
HB**

Pentsatzen jat aukera historiko bat dala eta aukerak darella danon artian konponbide bat aurkitzeko. Konponbide hori autodeterminaziño eskubidian eta lurraldetasunian oiñarrituta egon bihar da. Us-

te dot danok lana egitteko momentua dala, elkarrekin lana egittekoa, batez be abertzale eta progresisten artian. Ikusiko dogu ondoren zer gertatzen dan.



**Florentino
Lamariano
EAJ**

Oso ondo ikusten dot eta premiñazkua irizten jat aurrera egitteko. Gaiñera us-te dot gure alderdixak lan asko egin dabela hori lortzeko. Oso ondo ikusten dot ETAk hartu daberen posturia. Horri zukua etar-

tzeko danen artian konsensoa egon biharko zan, biharrezkua da ta. Lehen Madrilgo alderdixak, tregua egon biharra ipintzen zeber aitzakixa moduan. Oin, tregua hori badago eta ikusi biharko da ze mamin etara leikien horri. Hortarako, alderdi danen akordio bat egon bihar da, danak onartu bihar dabe ETAk emondako tregua hori.



**Juan
Benitez
PSE-EE**

Lehenengo eta behin pena bat dela esan behar dut, orain arte galdu dugun denbora guztiagatik. Orain dela 20 urte izan behar zen, polimiliek utzi zutenean. Ez dut ikusten su-etena deitzeo arrazoirik, gober-

nuak ez baitu bere jarrera aldatu. Baina gauza asko gertatu dira. Gizartea kalera atera da ETAREN aurka. EAJ kontuan izanik, ETA EAJtik sortu zen eta sorburura itzuli da. Orain dela urte batzuk ez zuten elkar ulertzen eta orain, badirudi ETA konbentzitu dutela. Epe luzera espero dezagun guztiok izatea nahikoa intelijentzia eta borondate ona aurrera egiteko. Azken finean, osasunez eta memoria gutxiarekin gauza asko egin daiteke.



**Pilar
Etxaniz
ZUTIK**

Egoera zihero estankaturik zeguala ikusitta zerbait aldatzia suposatzen dau. Positibua pentsatzen jat bihartzan dabela, PSOE eta PP, zerbait egite-ron aldetik erresistentziak egongo dien arren.

Positibua dala pentsatzen dot gizartian ilusiño bat sortu dalako, nahiz eta horrek bere alde negatibua ere euki: guk pentsatzen badogu dana ondo jungo dala beste barik, ezta hola. Erronka guk daukogu, eztago aitzakixarik. Gehixago konprometitzera bihartuta gare. Erronka garrantzitsue-na gizartiak dauku eta egiten dogunaren arabera etorriko die emaitzak pe. Komunikabidiak pe, batez be espainiarrak, zeresan haundixa dauke.



**Gregorio
Madariaga
EA**

Euskal Herrirako aspaldiko urte-tan hartu doten notiziarik onena da. Esperantza haundixa daukat, baiña lehenengo Madrilgo Gobernua hasi biharko litzake presuen zentzuna ikusiaz, poliki-poliki hona eka-

rra eta legez kanpuan egon biharko leukienak etarutzen. Presuak barruan daren bittartian bakerik ez-tala egongo seguru nago. Gaiñera Euskal Herrixan autodeterminaziño aukeria ezta herrixak eskatu bihar daberen gauza bat, herrixaren eskubidia da ta. Hori oso garrantzitsua da Euskal Herrixaren independentzia lortzeko. Badakit independentzia zaila izango dana eta guk eztogula ezagutuko, baiña atzetik datozenak ezagutuko dabe.

**GOROSTI
Taberna**

☎ 943 76 62 96
Zurrategi plaza ANTZUOLA

igor eta Txomin

*Pintura orokorrean.
Paper, tela, binilo, kortxoeko... estaldurak.
Gotelesa, iztukuak eta
bestelako imitazioak.*

ANTZUOLA BERGARA
☎ 943 76 60 39 ☎ 943 76 19 98



**Euskal
sukaldaritza
Eguneko
menua**

Kalebarren 7, ANTZUOLA Tf. 943 78 71 12

Ibon Kerejeta

Arin jatetxeko lagun berria

Joan zen asteko martitzenean zabaldu zuen Ibon Kerejeta legazpiarrak Arin jatetxea. Hilabete bat itxita egon ondoren, 24 urteko gazte honek bultzada bat eman nahi dio garai batean hain famatua izan zen "Santionekuari".



N

olatan erabaki duzu Antzuolara etortzea?

Koadrila guztia Antzuolako daukat eta hemengo giroa asko gustatzen zait. Oso giro herrikoa. Oso garrantzitsua

da jendearekin lanean zauden bitartean gustura egotea, eta hemen oso gustura nago. Arinen atzetik lau urte neramatzan, baina Iruñera joan nintzen lanera. Ekuadorren egon nintzen beste jate-txe batean. Abixua utzi nuen alokatzen jarriz gero, ni segituan etorriko nintzela. Jendearen harrera ere oso ona izan da.

Lehenengo aldia da jatetxe bat hartzen duzuna?

Sukaldaria naiz, baina nire kabuz ikasi dut. Lanean Zarautzen, Madrilan, Donostian, Iruñean, Ezkion eta Bergaran izan naiz. Ekuadorren ere bai, hemengo ezagun batzuekin jatetxe bat ireki genuen eta. Baina gaizki atera zen eta bi hilabeteren ondoren etorri egin nintzen.

Zenbat lagun ari zarete lanean?

Hiru lagun ari dira lanean. Alazne eta Ainara zerbitzari lanetan eta Manolo sukaldean.

Alazne, Manolo eta ni Ezkioko sargardotegian aritu ginen. Hiru hilabete egin genituen eta orain hona etorri gara.

Jatetxeko dekorazioa eta estiloa erabat aldatu duzu.

Bai, asteartean esaterako jendeak ez zuen pentsatzen hain eroso eta hain goxo jarriko nuenik. Jatetxearen aldeko

apustua egin dut eta jendeak hau jate-txea dela ulertzea nahiko nuke, hori niretzat oso garrantzitsua da, tabernaren funtzionamenduan eragina izango baitu.

Zelako janariak ematen dituzue?

Eguneko menua eta kartaren artean hautatu daiteke. "Pikatzeko" aukera ere badago eta hortan ere eskaintza zabalda da, 600-1.500 PTAn. Gustatzen zaidana landutako platerak prestatzea da. Jendeari gauza berriak modu eta prezio onean eskainiz gero probatu egiten ditu, baina eskertuko nieke janariari buruzko iritzia ematea eta egia esatea.

Arineko plater berezia?

Karta tradizionala da baina berezitasun bezala pastel dastaketa daukagu: onddo-budina, arrain-pastela eta gari-esparragoen pastela; bestalde entsalada epela eta txapiroaiak, eta onddo-nahaskia foierekin ere baditugu. Postretan, berezitasuna piku biskuita txokolate beroz estalia da.

Zer gomendatuko zenioke bikote bati?

Urdaiazpikoa eta onddo-nahaskia eta gero bati kokotxak pil-pilean eta besteari solomilloa pikillo piparrekin, lurrezko platerean eta patatekin. Postrerako pantxineta.

Eta gazte talde bati?

Poltsikoari begiratu, entsalada misto berezia, esparragoak eta bakaila-oda edo baserriko oilaskoa. Hala ere, ez nuke jendea klasifikatu nahi.

■ ■ ■
 "Jendeari gauza berriak modu eta prezio onean eskainiz gero, probatu egiten du"
 ■ ■ ■



Alazne, Manolo, Ibon, eta Ainara, Arin jatetxeko lagun berriak.

DESKARGA
AUTOAK
 Antigua auzoa z/g Antzuola.
 Tf. 943 76 62 75

zabalo
 IGELTSEROTZA
 Jose Luis Zabalo
 Birgaitzeak • Fatxadak
 Teilatuak • Sukalde eta bainu gelak
 Kalegoi 9, 1a., ANTZUOLA. Tf. 943 76 60 89

GAILUR
 taberna eta
 gozotegia
 Buztinzuri 13 ANTZUOLA
 Tf. 943 78 70 32

LEKU-BERRI
MERENDEROA
Janariak eta edariak
 Tf. 943 76 60 94